

南湖集

附四
錄

芥

4082.5

2714.1



國立臺灣大學圖書館典藏
由國家圖書館數位化

南湖集卷第十

南湖集卷第十

張鎡功甫

秦川張鎡功甫

詩餘

長相思

晴時看雨時看紅綠雲中駕彩鸞陽臺夢未闌
詠伊

難畫伊難服透東皇九轉丹光生玉鍊顏

夢遊仙

小姬病起幡然有入道之志因書贈之

驂鸞侶嬌小怯雲期柳戲花遊能幾日頓拋塵幻學希
夷清夢到瑤池霞袂穩那顧縷金衣自與長生分姓

譜恰逢長老鑄丹時此意有誰知

晴晝永閒步小園中羽帔雲輕蒼佩響寶冠星瑩紺紗
籠波秀淺蛾峯琳洞窈人靜理絲桐泛指餘音搖桂
影過牆高韻入松風月上翠樓東

又 記夢

飛夢去閒到玉京遊塵隔天高那得暑

花菴詞選
作塵絕

月明

雲薄淡於秋宮殿鎖金虬冰珮冷風颺紫綃裘五色

光中瞻帝所方知碧落勝炎洲香霧溼簾鉤

歸興動騎鶴下青冥幾點山河浮色界一簪風露拂寒

星銀漢悄無聲
鸞嘯舞仙樂送霓旌
摘得琪花飛散
了卻將何物贈仙卿
衣上彩雲輕

昭君怨

遊池

拂曉拏舟東去
細看荷花乘露紅
綠總吹香一般涼
會享人天清福
休把兩眉輕蹙
誰道做神仙戴貂蟬

又月夜放船

船過柳灣亭
曲萬葉圓荷浮綠
月照水珠明一池星
光透玻璃香帶夢
入藕絲中戲卻上小金臺
怕歸來

又園池夜汎。花菴作月夜賞荷花

月在碧虛中住人向亂荷中去花氣雜風涼滿船香
雲被歌聲搖動酒被詩情掇送醉裏臥花心擁紅衾

霜天曉角

沅池

荷花閒發撐破玻璃滑拂拂香風微度吹雪亂數根髮
弄泉羅葢匝萬顆真珠撒唱我蓮歌歸去凌波步水
仙襪

如夢令

雪

人在驂鸞深院誤認落梅疎片零亂舞東風雲淡水平
天遠簾捲簾捲飛上繡裯不見

南鄉子

春雪

翠裏怯春寒對雪偏宜傍彩欄
弱骨豐肌無限韻憑肩
共看南窗玉數竿
羔酒莫畱殘更覺嬌隨飲量寬
小立妖嬌何所似風前柳絮飛時見牡丹

烏夜啼

夜坐

月兒猶未全明乞憐生幾片彩雲來去更風輕
應見我行又坐苦凝情卷起簾兒不睡到三更

菩薩蠻

芭蕉

風流不把花爲主多情管定煙和雨
瀟灑綠衣長滿身

無限涼
文牋舒卷處似索題詩句莫凭小闌干月明
生夜寒

又 鴛鴦梅

前生曾是風流侶返魂卻向南枝住疎影臥晴溪恰如
沙暖時
綠窗嬌插鬢依約猶交頸微笑語還羞願郎
同白頭

又 遣興

藤牀巧織波文小翻書欲睡鶯鶯覺繞舍燦明霞短長
旌節花
此身無繫著南北東西樂碧宇朗吟歸天風

香染衣

碧字余家竹堂名也

折丹桂

中秋南湖賞月

玉爲樓觀銀爲地
秋到中分際
澹金光襯水晶毬
上碧虛千萬里
香風浩蕩吹蟾桂
影落澄波底
揭天簫鼓要詩成
任驚覺魚龍睡

清平樂

題黃寧洞天吹笛臺

蒼崖疊嶂有路梯雲上
忽見地平方數丈
坐石風林相向
鳳膺時作龍聲
夜深驚動寒星
幾點光芒欲下
傍人頭上來聽

又 炮栗

蝟房秋熟紫實包黃玉吹葉風高銷舊綠疎影半遮茅
屋 山居未覺全貧園收今歲盈困自撥塲爐松火細
煨分餉幽人

謁金門

秋興

秋淡淡彌望暮天雲黯窗小新糊便老眼不應疎酒盞
菊淨橙香霜晚何處數聲來雁飛下湖邊紅蓼岸有
詩方許看

又 賞梅卽席和洪內翰韻

何許住不屬西湖煙雨雪後偏憐香猛處全勝開半樹
試倩暖雲收貯桃杏儘教羞妒只把新詞林下去一
春休著雨

柳梢青

適和軒

一望清溪兩堤翠蔭半紙新詩涼滿衣裳香生筆硯風
動窗扉 月明撐過船兒載龍玉雙娥對吹竹外山亭
花邊水檻不醉休歸

又 秋日感興

煙淡波平蓬鬆岸蓼紅淺紅深滿院西風連宵良月幾

處清砧 區區宦海浮沈幸隱去將醅素心兩鬢吳霜
一屏秦夢誰是知音

又

雨後天涯微雲送晚過盡歸鴉何處開樽海棠亭小飛
燕風斜 有人粲玉嬌花更翳鳳曾遊帝家長遠身心
溫柔情態不枉多他

好事近

擁繡堂看天花

手種滿欄花瑞露一枝先坼拄箇杖兒來看兩三人門
客 今朝歡笑且銜盃休更問明日此意悠然誰會有

湖邊風月

瑞露紫牡丹新名也

訴衷情

得二白雁偶亡其一感而歌之

筠籠白雁得時雙
一自戲回塘
冰魂問歸何處
明月影中藏
蘋蓼岸鎮相將
忍思量
曉昏應是夢
繞江湖
怕見鴛鴦

浣溪沙

無計長留月
裏花收英
巧付火前茶
綠塵飛處粉
芳華
午夜露濃天
竺徑一秋香
滿玉川家
掃除殘夢入雲涯

虞美人

詠水漢花

妝濃未試芙蓉臉，卻扇涼猶淺。
粉輕紅裊，一生嬌風外，
細香時伴溼雲飄。
雙飛屬玉來還去，誰識幽閒趣。
莫教疎雨暗黃昏，已是不禁秋色，怕銷魂。

玉團兒

香月堂古桂數十株著花因賦

曉來一陣金風劣，把閩海檀霞細屑，依就花兒深藏葉。
底不教人折，初開數朶，誰知得卻又是金風漏泄，吹起清芬露成香，露月成香月。

眼兒嬌

初秋

淒風吹露溼銀牀涼月到西廂
蛩聲未苦桐陰先瘦愁
與更長起來沒個人
欹采枕上越思量
眼兒業重假
饒略睡又且何妨

又女貞木

山礬風味木樨魂
高樹綠堆雲水光殿側
月華樓畔晴
雪紛紛何如且向南湖住
深映竹邊門
月兒照著風
兒吹動香了黃昏

又水晶葡萄

元霜涼夜鑄瑤丹
飄落翠藤閒
西風萬顆明珠巧
綴零

露初溥 詩人那識風流品
馬乳漫堆盤 玉纖旋摘銀
罌分釀 莫負清歡

南歌子

山藥

種玉能延命 居山易學仙
青青一畝自鋤煙 霧孕雲蒸
肌骨更凝堅 熟染蜂房蜜
清添石鼎泉 雪香酥膩老
來便煨芋 爐深卻笑祖師禪

鷓鴣天

詠二色葡萄

陰陰一架紺雲涼 裊裊千絲翠蔓長
紫玉乳圓秋結穗 水晶珠瑩露凝漿
相竝熟試新嘗 纍纍輕翦粉痕香

小槽壓就西涼酒風月無邊是醉鄉

江城子

黃子由少監同內子慧齋奉岳母定齋相過席間因走筆次韻

試霜池面淺粼粼鵲飛晴遠峯明蓬島羣仙來過瑞雲
清龍榜當年人第一黃叔度是前生玉堂行見演絲
綸彩毫輕思難停醉裏長鯨翻浪吸東溟謝女風流相
稱好金母更鬢常青

又 凱旋

春風旂鼓石頭城急麾兵斬長鯨緩帶輕裘乘勝討蠻
荆蠃聚蜂屯三十萬軍面縛赴行營舳艫千里大江

橫凱歌聲犬羊驚尊俎風流談笑酒徐傾北望旄頭今
已滅河漢澹兩台星

卜算子

無逸寄示近作梅詞次韻回贈

常記十年前共醉梅邊路別後頻收尺素書依舊情相
與早願卻來看玉照花深處風暖還聽柳際鶯休唱
閒居賦

楊柳枝

綠蠟芽疎雪一包綻雲梢清香卻暑置堂坳晚風飄
冰雹無聲棲碧葉笑仍嬌相隨茉莉展輕綃伴涼宵

感皇恩 駕霄亭觀月

詩眼看青天幾多虛曠雨過涼生氣蕭爽白雲無定吹
散作鱗鱗瓊浪尙餘星數點浮空上 明月飛來寒光
磨盪髣髴輪閒桂枝長倚風歸去縱長嘯一聲悠颺響
搖山岳影秋悲壯

夜遊宮 美人

鵲相龐兒誰有兀底便筆描不就小邈如何敢出手細
端相甚精神甚洗漱 到老長厮守不喫飯也須唧喞
你待包彈怎開口煖底雪活底花嫩底柳

醉高樓

初月

浮雲散天似碧琉璃月正是上弦時
姮娥蟾兔俱何在
廣寒宮殿不應虧
這神功千萬世有誰知
甚只解催
鬚鬢老更不算將人情緒惱
擷酒撼搖詩山頭望伴
疎星落庭前看照好花移
夜無眠應笑我怎如癡

蝶戀花

楊柳鞦韆旗鬪舞
漠漠輕煙罩定黃鸝語
紅滴海棠嬌
半吐燕脂水似朝來雨
行過池邊攜手路
都把多情
變作無情緒
唯有東風知住處
憑君送取溫存去

又南湖

門外滄洲山色近鷗鷺雙雙惱亂行雲影翠擁高筠陰
滿徑簾垂盡日林堂靜明月飛來煙欲暝水面天心
兩箇黃金鏡慢颭輕搖風不定漁歌欸乃誰同聽

又挾翠橋

灑面松風涼似水下看冰泉噴薄溪橋底疊疊層峯相
對起家居卻在深山裏枝上凌霄紅繞翠飄下紅英
翠影爭搖曳今夜巖扉休早閉月明定有飛仙至

鵲橋仙

立秋後一夕

暑雲猶在澄空欲變入夜徘徊庭際新秋知是昨宵來
愛殘月纖纖西墜芭蕉老大流螢衰倦靜裏細觀天
意輕風未有半分涼柰人道今宵好睡

又采菱

連汀接渚縈蒲帶藻萬鏡香浮光滿溼煙吹霽木蘭輕
照波底紅嬌翠婉玉纖采處銀籠攜去一曲山長水
遠彩鴛雙慣貼人飛恨南浦離多夢短

鷓鴣天

自興遠橋過清夏堂

閒立飛虹遠興長一方雲錦薦疎涼翻風翠蓋無塵土

出水紅妝有豔香
攜靚侶汎輕航
擢歌驚起野鴛鴦
同過清夏看新月
茉莉花圍小象牀

又詠阮

不似琵琶不似琴
四弦陶寫晉人心
指尖歷歷泉鳴澗
腹上鏘鏘玉振金
天外曲月邊音爲君
轉軸擬秋砧
又成雅集相依坐
清致高標記竹林

臨江仙

余年三十二歲在甲辰嘗畫七圈于紙揭
之坐右每圈橫界作十眼歲塗其一今已

過五十有二悵然
增感戲題此詞

七箇圈兒爲歲數
年年用墨糊塗
一圈又剩半圈餘
看

看雲蔽月三際等空虛
縱使古稀真箇得後來爭免
嗚呼宵閒何必更懸車
非關輕利祿自是沒工夫

御街行

燈夕戲成

良宵無意貪遊翫
奈鄰友閒呼喚
六街非是少人行
不似舊時風範
笙歌零落綺羅消滅
枉了心情看
思量往事堪腸斷
怕頻到簾兒畔
朦朧月下卻歸來
指望阿誰收管
低頭注定兩汪兒
淚百計難消遣

滿庭芳

促織兒

月洗高梧露溽幽草寶釵樓外秋深
土花浴翠螢火墜

牆陰靜聽寒聲斷續微韻轉淒咽悲沈爭求侶殷勤勸
織促破曉機心兒時曾記得呼燈灌穴斂步隨音任
滿身花影猶自追尋攜向華堂戲鬪亭臺小籠巧妝金
今休說從渠牀下涼夜伴孤吟

花菴伴
誤作聽

風入松

小樊標韻稱香山壓盡花閒便須著箇樓兒住彩鸞看
飛舞妖閑珠珮時因醉解雲屏常爲春關耳邊囑付
話兒姦休放蠻檀綠窗惟怕今宵夢鶯聲巧春滿欄干
待把衷腸教與卻愁長遠都難

念奴嬌

宜雨亭詠千葉海棠

綠雲影裏把明霞織就千重文繡紫膩紅嬌扶不起好
是未開時候半怯春寒半便晴色養得胭脂透小亭人
靜嫩鶯啼破清晝猶記攜手芳陰一枝斜戴嬌豔波
雙秀小語輕憐花總見爭得似花長久醉淺休歸夜深
同睡明日還相守免教春去斷腸空歎詩瘦

水調歌頭

姑蘇臺

孤櫂泝霜月還過闔廬城繫船楊柳橋畔吹襲晚寒輕
百尺層臺重上萬事紅塵一夢回首幾周星風調信衰

減親舊總凋零 認羣峯尋四塔半煙橫平生感慨況
逢佳處輒銷凝休說當時雕輦不見後來遊鹿斜照水
空明猛把畫欄拍飛燕兩三聲

又

項平甫大卿索賦武昌凱歌

忠肝貫日月浩氣抉雲霓詩書名帥談笑果勝棘門兒
牛弩旁穿七札虎將分行十道先解近城圍一騎夜飛
火捷奏上天墀 暢皇威宣使指領全師襄陽耆舊請
公直過洛之西簞食歡呼迎處已脫氈裘左袵還著舊
藏衣笳鼓返京闕風采震華夷

木蘭花慢

七夕

喜秋回霽宇倩涼露洗炎飈被鵲誤仙盟經年恨阻銀
漢迢迢牛閒更停弄杼趁佳期華幄傍星橋授玉鸞鑿
霧靄贈綃龍戲花嬌歡娛回首是明朝未別已魂銷
想翠輶珠輪歸途望斷斗轉斜杓人間易離易遇儘勝
如天上各雲霄攜去一梳水月巧樓猶醉笙簫

又
癸丑年生日

年年三月二是居士始生朝念綠鬢功名初心已負難
報劬勞天畱帝城勝處匯平湖遠岫碧峩竹色詩書

燕几柳陰桃杏橫橋 西鄰東舍不難招大半是漁樵

任翁媪歡呼兒孫歌笑野具村醪醉來便隨鶴舞

花菴作更

隨看清風送月過松梢百歲因何快樂盡從心地逍遙

又 紀夢

駕飈車直上絳衣惹彩雲輕過寶樹千峯東踰綠海宮

殿崢嶸簷楹萬花燦倚映堦層十二總雕瓊劍珮簪裳

衛肅序班真輔仙卿 瑤京誰解有神昇爲祕授元經

拜九光霞裏輪金日耀丹篆符明龍鸞再催羽仗報帝

皇新御紫陽城歸路梅花弄玉數聲月冷風清

水龍吟

夜夢行脩竹林中有道士頽然而長風神秀異自稱見獨處士謂余曰人閒虛幻子能畢辭榮寵清淨寡欲當享萬壽驚覺因賦此詞乙丑冬十二月也

這番真箇休休夢中深謝仙翁教浮生幻境向來識破
那堪又老苦我身心順他眼耳思量顛倒許多時打鬩
鮎魚上竹被人弄知多少 解放微官繫縛似籠檻猿
歸林草雲山有約兒孫無債爲誰煩惱自古高賢急流
勇退直須聞早把憂煎換取長伸腳睡大開口笑

祝英臺近

邀李季章直院賞玉照堂梅

暖風回芳意動吹破凍雲凝春到南湖檢校舊花逕手

栽一色紅梅香籠十畝忍輕負酒腸詩興 小亭凭
幾多月魄重重亂林影卻憶年時同醉正同詠問公白
玉堂前何如來聽玉龍噴碧溪煙冷

滿江紅

小圃玉照堂賞梅呈洪景廬內翰

玉照梅開三百樹香雲同色光搖動一川銀浪九霄珂
月幸遇勛華時世好歡娛況是張燈夕更不邀名勝賞
東風真堪惜 盤誥手春秋筆今內相斯文伯肯閒紆
軒蓋遠過泉石奇事人生能幾見清罇花畔須教側到
鳳池卻欲醉鷗邊應難得

又賀項平甫起復知鄂渚

公爲時生才真是禁中頗牧擎天手十年猶在未應藏
縮說項無人堪歎息瞻韓有意因恢復用真儒同建太
平功心相屬忠與孝榮和辱武昌柳南湖竹一簞瓢
非欠萬鍾非足知命何曾懷喜愠輕身豈爲干名祿看
可汗生縛洗煙塵機神速

漢宮春

稼軒帥浙東作秋風亭成以長短句寄余
欲和久之偶霜晴小樓登眺因次來韻代

書奉酬

城畔芙蓉愛吹晴映水光照園廬清霜乍凋岸柳風景

偏殊登樓念遠望越山青補林疎人正在秋風亭上高
情遠解知無江南久無豪氣看規恢意槩當代誰如
乾坤盡歸妙用何處非予騎鯨浪海更那須採菊思鱸
應會得文章事業從來不在詩書

燭影搖紅

燈夕玉照堂梅花正開

宿雨初乾舞梢煙瘦金絲裊嫩雲扶日做新晴舊碧尋
芳草幽徑蘭芽尙小怪今年春歸太早柳塘花院萬朵
紅蓮一宵開了梅雪翻空忍教輕趁東風老

花菴輕
趁作空

對粉圍香陣擁詩仙戰退春寒峭現樂歌彈鬧曉宴親

賓團圍同笑醉歸時候月過珠樓參橫蓬島

柳塘花院
現樂皆家

中堂
名也

賀新郎

李頤正路分見訪畱飲卽席書贈

看了梅花去要東風攀翻飛雪與君同賦海內從來天

際眼

花菴
作遠

一笑平窺千古

花菴千
作萬

待翦盡燭花紅吐久

矣南湖無此客似喬松萬丈凌霄舉飛咳唾掃塵土

承平氣象森睂字想天家驂鸞洞裏細煙冰霧我亦秦

關歸未得誰念干將醉撫判良夜斂橫冠屨莫歎瀟湘

居尙遠擁戎輶萬騎鳴笳鼓雲正鎖汴京路

又 次辛稼軒韻寄呈

邂逅非專約記當年林堂對竹豔歌春酌一笑乘鸞明
月影餘事丹青麟閣待宇宙長繩穿卻念我中原空有
夢渺風塵萬里迷長樂愁易老欠靈藥 別來幾度霜
天鷓鴣紛紛吞腥啄腐狗偷烏攫東晉風流兼慷慨公
自陽春有腳妙悟處不存毫髮何日相從雲水去看精
神峭緊芝田鶴書壯語遍巖壑

瑞鶴仙

壬子年燈夕

喜濃寒乍退風共日已作深春天氣輕車載歌吹選名

坊閒玩落梅穠李無端雨細動清愁聊成淺醉悵年時
攜手同來笑裏繡簾斜倚佳節匆匆又至撫事驚心
忍堪重記闌情倦意行不是坐不是悶歸來已早遊人
回盡燈暗重門欲閉念歡娛最是今宵怎知恁地

八聲甘州

秋夜奉懷浙東辛帥

領千巖萬壑豈無人唯欠稼軒來正松梧秋到旌旗風
動樓觀雄開俯檻何勞一笑瀚海蕩纖埃餘事了鳧鷖
閒詠命樽罍江左風流舊話想登臨浩歎白骨蒼苔
把龍韜藏去遊戲且蓬萊念鄉關偏憐霜鬢愛盛名何

似展真才懷公處夜深凝望雲漢星回

又 九月末南湖對菊

對黃花猶自滿庭開那恨過重陽凭欄干醉裏依依晚
日飄動寒香自歎平生豪縱歌笑幾干場白髮欺人早
多似清霜 誰信心情都嬾但禪龕道室黃卷僧牀把
偎紅調粉拋擲向他方喚汝東山歸去正燈明松戶竹
籬旁關門睡儘教人道癡鈍何妨

江城子 夏夜觀月

飛來冰雪冷無聲可中庭骨毛清臥看東南和露兩三

星驀地神遊天上去呼彩鳳駕雲駟望舒宮殿玉崢嶸
嶸桂千層寶香凝搗藥仙童邀我論長生一笑歸來人
未睡花送影上窗櫺

漁家傲

漁翁

拂拂春風生草際新晴萬景供遊戲鷗鷺飛來斜照裏
金和翠分明畫出真山水遮箇漁翁無愠喜乾坤都
在孤篷底一曲高歌千古意閒來睡從教月到花汀外

八聲甘州

中秋夜作

歎流光迅景百年閒能醉幾中秋正淒蛩響砌

花菴作
鳴砌

驚鳥翻樹煙淡蘋洲誰喚金輪出海不帶一雲浮纔上
青林頂俄轉朱樓 人老歡情已減料素娥信我不爲
閒愁念幾番清夢常是故鄉畱倩風前數聲橫管叫玉
鸞騎向碧空遊誰能顧黍炊榮利蟻戰仇讎

木蘭花慢

甲寅三月中澣邀樓大防陳君舉中書
兩舍人黃文叔待制彭子壽右史黃子

由匠監沈應先大著過桂隱卽席作

清明初過後正空翠靄晴鮮念水際樓臺城隅花柳春
意無邊清時自多暇日看連鑣飛蓋擁羣賢朱邸橫經
滿座紫微淵思如泉 高情那更屬雲天語笑雜歌弦

向啼鳩聲中落紅影裏忍負芳年浮生轉頭是夢恐他
時高會卻難全快意淋漓醉墨要令海內喧傳

念奴嬌

登平江齊雲樓夜飲雙瑞堂呈雷吏部

東吳名勝有高樓直在浮雲齊處十二欄干邀遠望歷
歷斜陽煙樹香徑人稀屨廊山繞往事今何許一天和
氣爲誰吹散疎雨知是蘭省星郎朱輪森戟與風光
爲主暇日登攜多雅致容我追隨臨賦小宴重開晚寒
初勁還下危梯去燭花紅墜瑞堂猶按歌舞

鷓鴣天

御路東風拂翠衣
賣燈人散燭籠稀
不知月底梅花冷
只憶橋邊步襪歸
閒夢澹舊游
非夜深誰在小簾幃
望恩兒下圍爐坐
明處行人立地時

此闕從陽春
白雪錄補

宴山亭

幽夢初回重陰未開
曉色吹成疎雨竹檻氣寒蕙畹聲
搖新綠暗通南浦
未有人行纔半啓迴廊朱戶無緒空
望極霓旌錦書難據
苔逕追憶舊游念誰伴秋千綵
繩芳柱犀奩黛倦鳳枕雲孤應也幾番凝竚
怎得伊來
花霧繞小堂深處
畱住直到老不教歸去

此闕從陽春
白雪錄補

賀新郎

陳退翁分教衡湘將行酒闌索詞漫成

桂隱傳杯處有風流千巖韻勝太丘遺緒玉季金昆霄
漢侶平步鸞坡揮塵莫便駕飛颿煙渚雲動精神衡岳
去向君山帝樂鏘韶濩蘭藝畹弔湘楚南湖老矣無

襟度但樽前踉蹌醉影帽花顛仆只恐清時專文教猶
貸
臥錦帳貔貅征鼓忠烈前勳齋萬恨望神

都魏闕奔狐兔呼翠輿爲君舞

此闕從花菴詞選錄補

柳梢青

舟泊秦淮

天遠山圍龍蟠淡靄虎踞斜暉幾度功名幾番成敗渾

似鷗飛 樓臺一望淒迷算到底空爭是非今夜潮生

明朝風順且送船歸

此闕從花菴詞選錄補

蘭陵王

荷花

蓼汀側朝靄依依弄色知何許湘女淡妝羽節飛來帶
秋碧輕裙素綃織誰與明璫競飾無言處相與遡洄應
有柔情正堆積 當年駐香鷁記草媚羅裙波映文席
斜陽返照暮

雨溼愛天際涼入 愁寂念疇昔謾太華峯頭幽夢尋
覓而今兩鬢如花白但一線才思半星心力新詞奇句

便做有怎道得

此闕從詞
綜錄補

南湖集卷第十

十一月二十七日辛丑寫竟
計六千三百八十七字彭記

南湖集附錄上 遺文

賞心樂事

并序

武林舊事

余掃軌林扃不知衰老節物遷變花鳥泉石領會無餘
每適意時相羊小園殆覺風景與人爲一閒引客攜觴
或幅巾曳杖嘯歌往來澹然忘歸因排比十有二月燕
遊次序名之曰四并集授小庵主人以備遺忘非有故
當力行之然爲具真率毋致勞費及暴殄沈湎則天之
所以與我者爲無負無褻昔賢有云不爲俗情所染方
能說法度人蓋光明藏中孰非遊戲若心常清淨離諸

取著於有差別境中而能常入無差別定則淫房酒肆
徧歷道場鼓樂音聲皆談般若倘情生智隔境逐源移
如鳥黏鷄動傷軀命又鳥知所謂說法度人者哉聖朝
中興七十餘載故家風流淪落幾盡有聞前輩典刑識
南湖之清狂者必長哦曰人生不滿百常懷千歲憂晝
短苦夜長何不秉燭遊一旦相逢不爲生客嘉泰元年
歲次辛酉十有二月約齋居士書

正月孟春

歲節家宴

立春日迎春春盤

人日煎餅會

玉照堂賞梅

天街觀燈

諸館賞燈

叢奎閣賞山茶

湖山尋梅

攬月橋觀新柳

安閒堂掃雪

二月仲春

現樂堂賞瑞香

社日社飯

玉照堂西賞緗梅

南湖挑菜

玉照堂東賞紅梅

餐霞軒看櫻桃花

杏花莊賞杏花

羣仙繪幅樓前打球

南湖泛舟

綺互亭賞千葉茶花

馬塍看花

三月季春

生朝家宴

曲水脩禊

花院觀月季

花院觀桃柳

寒食祭先掃松

清明踏青郊行

蒼寒堂西賞緋碧桃

滿霜亭北觀棣棠

碧宇觀筍

鬪春堂賞牡丹芍藥

芳草亭觀草

宜雨亭賞千葉海棠

花苑蹴秋千

宜雨亭北觀黃薔薇

花院賞紫牡丹

豔香館觀林檎花

現樂堂觀大花

花院嘗煮酒

瀛巒勝處賞山茶

經寮鬪新茶

羣仙繪幅樓下賞芍藥

四月孟夏

初八日亦庵早齋隨詣南湖放生食糕糜

芳草亭鬪草

芙蓉池賞新荷

蕊珠洞賞茶蘼

滿霜亭觀橘花

玉照堂嘗青梅

豔香館賞長春花

安閒堂觀紫笑

羣仙繪幅樓前觀玫瑰

詩禪堂觀盆子山丹

餐霞軒賞櫻桃

南湖觀雜花

鷗渚亭觀五色鶯粟花

五月仲夏

清夏堂觀魚

聽鶯亭摘瓜

安閒堂解粽

重午節泛蒲家宴

烟波觀碧蘆

夏至日鶯鶯

綺互亭觀大笑花

南湖觀萱草

鷗渚亭觀五色蜀葵

水北書院採蘋

清夏堂賞楊梅

叢奎閣前賞榴花

豔香館嘗蜜林檎

摘星軒賞枇杷

六月季夏

西湖泛舟

現樂堂賞花白酒

樓下避暑

蒼寒堂後碧蓮

碧宇竹林避暑

南湖湖心亭納涼

芙蓉池賞荷花

約齋賞夏菊

霞川食桃

清夏堂賞新荔枝

七月孟秋

叢奎閣上乞巧家宴

餐霞軒觀五色鳳兒

立秋日秋葉宴

玉照堂賞荷

西湖荷花泛舟

南湖觀稼

應鉉齋東賞葡萄

霞川觀雲

珍林剝棗

八月仲秋

湖山尋桂

現樂堂賞秋菊

社日糕會

衆妙峯賞木樨

中秋摘星樓賞月家宴

霞川觀野菊

綺互亭賞千葉木樨

浙江亭觀潮

羣仙繪幅樓觀月

桂隱攀桂

杏花莊觀雞冠黃葵

九月季秋

重九家宴

九日登高把萸

把菊亭採菊

蘇堤上翫芙蓉

珍林嘗時果

芙蓉池賞五色拒霜

景全軒嘗金橘

杏花莊筍新酒

滿霜亭嘗巨螯香橙

十月孟冬

日日開爐家宴

立冬日家宴

現樂堂煖爐

滿霜亭賞蚤霜

煙波觀買市

賞小春花

杏花莊挑薺

詩禪堂試香

繪幅樓慶煖閣

十一月仲冬

摘星軒觀枇杷花

冬至節家宴

繪幅樓食餛飩

味空亭賞蠟梅

孤山探梅

蒼寒堂賞南天竺

花院賞水仙

繪幅樓削雪煎茶

繪幅樓前賞雪

十二月季冬

綺互亭賞檀香蠟梅

天街閱市

南湖賞雪

家宴試燈

湖山探梅

花院觀蘭花

瀛巒勝處賞雪

二十四夜飴果食

玉照堂賞梅

除夜守歲家宴

起建新歲集福功德

桂隱百課

并序

武林舊事

淳熙丁未秋余捨所居爲梵刹爰命桂隱堂館橋池諸
名各賦小詩總八十餘首逮慶元庚申歷十有四年之
久匠生於心指隨景變移徙更葺規橰始全因刪易增
補得詩凡數百綱舉而言之東寺爲報上嚴先之地西
宅爲安身攜幼之所南湖則管領風月北園則娛燕賓

親亦庵晨居植福以資淨業也約齋晝處觀書以助老
學也至於暢懷林泉登賞吟嘯則又有衆妙峯山包羅
幽曠介于前六者之間區區安恬嗜靜之志造物亦不
相負矣或問余曰造物不負子子亦忍負造物哉釋名
宦之拘囚享天真之樂適要當於筋骸未衰時今子三
仕中朝頭華齒墮涉筆纔十二旬如之何則可余應之
曰仕雖多不使勝閑日余之願也余之幸也敢不勉旃
壬戌歲中夏張鎡功父書

東寺

敕額廣壽惠雲

大雄尊閣

千佛鐵像

靜高堂

寢室

真如軒

種竹

西宅

叢奎閣

安奉被賜四朝宸翰

德勲堂

祖廟以高宗御書二字名

儒聞堂

前堂用告詞字取名

現樂堂

中堂用朱巖壑語

安閒堂

後堂

綺互亭

有小四軒

瀛巒勝處

東北小樓前後山水

柳塘花院

應鉉齋

筮得鼎卦故名

振藻

取告詞中字名

宴頤軒

尚友軒

賞真亭

山水

亦庵

法寶千塔 鐵鑄千塔藏經千卷

如願道場 藥師佛壇

傳衣庵

寫經寮 書華嚴等大乘諸經

約齋

泰定軒

南湖

閨春堂 牡丹芍藥

煙波觀

天鏡亭

水心

御風橋

十閒

鷗渚亭

把菊亭

汎月闕

水門

星槎

船名

北園

羣仙繪幅樓

前後十一閒下臨丹桂五六十株盡見江湖諸山

桂隱

諸處總名今揭樓下

清夏堂

面南臨池

玉照堂

梅花四百株

蒼寒堂

青松二百株

豔香館

雜春花二百株

碧宇

脩竹十畝

水北書院

對山臨溪

界華精舍

夢中得名

撫鶴亭

近水村

芳草亭

臨池

味空亭

蠟梅

垂雲石

高二丈廣十四尺

攬月橋

飛雪橋

在梅林中

蕊珠洞

茶蘼二十五株

芙蓉池

紅蓮十畝四面種芙蓉

珍林

雜果小園

涉趣門

總門入松徑

安樂泉

竹閒井

杏花莊 村酒店

鵲泉 井名

衆妙峯山

詩禪堂

黃寧洞天

景白軒 真香山畫像并文集

文光軒 臨池

綠晝軒 木樨臨側

書葉軒 柿十株

俯巢軒 高檜旁

無所要軒

長不昧軒

摘星軒

餐霞軒 櫻桃三十餘株

讀易軒

詠老軒 道德經

凝薰堂

楚佩亭 蘭

宜雨亭

千葉海棠二十株近流水

滿霜亭

橘五十餘株

聽鶯亭

柳邊竹外

千歲庵

仁皇飛白字

恬虛庵

憑暉亭

弄芝亭

都微別館

誦度人經處經乃徽宗御書

冰湍橋



漪嵐洞

施無畏洞

觀音銅像

澄霄臺

面東

登歎臺

金竹巖

隱書巖

石函仙書在巖穴中可望不可取

古雪巖

新巖

疊翠庭

茂林中容十數人坐

釣磯

菖蒲澗

上有小石橋

中池

養金魚在山澗中

珠旒瀑

藏丹谷

煎茶磴

右各有詩在集中此不繁錄

題南湖集十二卷後

永樂大典

桂隱林泉在錢塘爲最勝張子卜築池臺館宇門牆

道路凡經行宴息處悉命以佳名而各有詩予固未
嘗歷其地乃因鄰友張以道東歸惠然寄示總八十
餘絕讀之灑然如與其人岸冠散衽徜徉於煙蘿香
靄閒可勝欣快因爲一絕題其後桂隱神仙宅平生
足未登新詩中有畫一一見觚楞淳熙己酉中秋鄮
峯真隱史浩書

案南湖集元本凡二十五卷見方萬里桐江續集
真隱此跋蓋題桂隱紀詠之後而云十二卷者知
當時編次如是也茲編紀詠已亡佚過半幸武林
舊事猶存其目并錄此附焉

玉照堂梅品

并序

齊東野語

梅花爲天下神奇而詩人尤所酷好淳熙歲乙巳予得曹氏荒圃於南湖之濱有古梅數十散漫弗治爰輟地十畝移種成列增取西湖北山別圃江梅合三百餘本築堂數閒以臨之又夾以兩室東植千葉緗梅西植紅梅各一二十章前爲軒楹如堂之數花時住宿其中環潔輝映夜如對月因名曰玉照復開澗環繞小舟往來未始半月捨去自是客有遊桂隱者必求觀焉頃亞太保周益公秉鈞子嘗造東閣坐定首顧予曰一棹徑穿花十里滿城無此好風光人境可見矣蓋予舊詩尾句

衆客相與歆豔于是遊玉照者又必求觀焉值春凝寒
又能畱花過孟月始盛名人才士題詠層委亦可謂不
負此花矣但花豔竝秀非天時清美不宜又標韻孤特
若三閭大夫首陽二子寧槁山澤終不肖頰首屏氣受
世俗湔拂閒有身親貌悅而此心落落不相領會甚至
於污褻附近略不自揆者花雖眷客然我輩胸中空洞
幾爲花呼叫稱冤不特三歎屢歎不一歎而足也因審
其性情思所以爲獎護之策凡數月乃得之今疏花宜
稱憎嫉榮寵屈辱四事總五十八條揭之堂上使來者

有所警省且示人徒知梅花之貴而不能愛敬也使與
予之言傳聞流誦亦將有愧色云紹熙甲寅人日約齋
居士書

花宜稱

凡二十六條

淡陰 曉日 薄雲 細雨 輕煙 佳月 夕陽

微雪 晚霞 珍禽 孤鶴 清溪 小橋 竹邊

松下 明窗 疎籬 蒼厓 綠苔 銅瓶 紙帳

林閒吹笛 膝上橫琴 石枰下碁 掃雪煎茶

美人淡妝簪戴

花榮寵

凡六條

煙塵不染 鈴索護持 除地徑淨落瓣不溜 王

公旦夕畱盼 詩人閣筆評量 妙伎淡妝雅歌

花憎嫉

凡十四條

狂風 連雨 烈日 苦寒 醜婦 俗子 老鴉

惡詩 談時事 論差除 花徑喝道 花時張緋

幙 賞花動鼓板 作詩用調羹驛使事

花屈辱

凡十二條

主人不好事 主人慳鄙 種富家園內 與麤婢

命名 蟠結作屏 賞花命猥伎 庸僧窗下種

酒食店內插瓶 樹下有狗屎 枝上懸衣裳 青

紙屏粉畫 生猥巷穢溝邊

昔李義山雜纂內有殺風景等語今梅品實權
輿於此約齋名鉉字功甫循王諸孫有吏才能
詩一時所交皆名輩予嘗得其園中亭榭名及
一歲遊適之目名賞心樂事者已載之武林舊
事矣今止書其賞牡丹及此二則云

案賞牡丹
一則今編

入逸
事

約齋種花法

游宦紀聞

春分和氣盡接不得夏至陽氣盛種不得立春正月中
旬宜接櫻桃木樨徘徊黃薔薇正月下旬宜接桃梅李
杏半丈紅蠟梅梨棗栗柿楊柳紫薇二月上旬可接紫
笑綿橙匾橘已上種接竝於十二月閒沃以糞壤兩次
至春時花果自然結實立秋後可接金林檎川海棠黃
海棠寒球轉身紅祝家棠梨葉海棠南海棠以上接種
法竝要接時將頭與本身皮對皮骨對骨用麻皮緊纏
上用箬葉寬覆之如萌茁稍長卽撤去箬葉無有不成

也

皇朝仕學規範序

士大夫多媿天資至措諸行事往往鮮合中道才非不
逮微法度也前言往行可儆可師佩服弗替如循三尺
則幼學壯行焉往而不中節藐前脩爲易與肆吾意之
所嚮跌宕乖盪漫亾据依幸而齷齪無聞人猶以不能
恕其如得聲名處貴顯有識將起賢者過之之歎斥規
矩以覬全材屏範模而良器是圖世固無若事也仰惟
熙朝累聖纘承壹以姬孔道學造天下士名公碩儒聞

風作興步武相屬其大者功烈在天銘在鼎彝誠未易
闕測至如問學之困深操行之端方政事之精醇與夫
陰功隱德奇辭奧論流播簡冊者皆足以擅稱一時詒
憲百世鎡天資庸樸麤知讀書日思收滌膏粱之習以
從賢士大夫後是以寤寐前哲採摭舊聞凡言動舉措
粹然中道可按爲法程者悉派分鱗次萃爲鉅編以便
省閱夫致知由爲學故先之以爲學學行之上也故次
之以行己行己有餘斯可推以及人故次之以泄官爲
政莫如德故次之以陰德有德者必有言故以詩文終焉

謂其皆可爲終身法遂目之曰皇朝仕學規範且析爲四十卷庶幾口詠心惟趣向弗譌昭然中庸大學之可敬儼乎正人端士之在左右也傳不云乎過者俯而就不至者跂而及僕方用是自警亦願與同志共之淳熙歲丙申四月秦川張鎡時可序

南湖集附錄上

十二月朔七日辛亥寫竟
計四千零十三字簿記

南湖集附錄中

碑刻

捨宅誓願疏文

案此文從石刻對錄凡剝蝕字以葉石君金石文隨錄手彙填補小

字側書以別之

大乘菩薩戒弟子承事郎直祕閣新權通判臨安軍府
事兼管內勸農事張鎡

右鎡一心歸命本師釋迦牟尼佛當來下生彌勒尊佛
西方極樂世界阿彌陀佛十方法界諸佛諸大菩薩緣
覺聲聞大梵天王帝釋尊天四大天王韋陀尊天守護
正法天龍八部大權聖衆五嶽四瀆名山大川祠廟神

祇伏望不離真際普賜證明茲恭以欲導羣迷必闡揚
於佛道將興遺教宜建立於僧坊勝福難思契經具載
茲生佛滅後值法住時幸發無上心願學第一義念真
乘難逢於曠劫思慧命嘗續於未來助行欲妙於莊嚴
隨力當施於利益深心所在至願方陳閻浮乃衆生選
佛之場震且多大乘得道之器教法東漸而獨此爲盛
祖師西來而其傳不窮由是衆多之伽藍徧我清淨之
國土或據名山勝地或居赤縣神州皆古德之所興實
檀那之自創伏遇主上體佛心而治天下崇祖道而護

宗門惟錢塘駐蹕之方乃寰宇觀光之地昔相國會聞
十禪之建今在所未見一刹之隆如來演教於王城蓋
居精舍宗師接人於鬧市可乏叢林都民膠擾而罕聞
說法之音衲子往來而靡有息肩之處慨斯闕典久矣

經懷昨倦處於舊廬遂更謀於別業園得百畝地占一

隅幽當北郭之鄰秀踞南湖之上雖混京塵而有山林

之趣雖在人境而無車馬之誼爰翦荆榛式營棟宇勞

一心而經始歷二歲而落成念勝處可作精藍而薄德

豈宜於大厦顧棲身之尙賴姑假舍而寓居浮生自歎

於艱虞幻質累縈於疾疢求佛祖之加被祈天龍之護
持增長善根銷除宿業年得踰於知命運獲度於多

災

必法尊經變穢方而成淨域定依前哲捨居宅而爲梵
宮用分常產之田永作香廚之供願主席者皆有道行

使挂錫者

咸

悟心源爲東方立光明幢與末世灑甘露

兩插草不離於當念布金何借於他緣言弗苟陳誓無
終悔鎡竊慮事有多障時不待人先期或至於報終異
議恐紛於身後宗族長幼朋友親姻或稱亂命之難從
或謂名教之有害引屈到嗜芟之說誚王且削髮之言

壞我良因奪我素志以至恃勢力而求指占由賄賂而

請住持輒汙招提妄談般若若是出佛身之血是斷正法

之輪死當墮於阿鼻生亟遭於奇禍特將此誓痛警若

人俾革一時之狂心勿受歷劫之極苦蓋念起立塔廟

飯食沙門流通大事之緣成就圓機之善恭願皇圖鞏

固睿算增延期永措於兵刑庶宏持於像教上薦祖先

父母次及知識冤親八難三塗四生九類悉資熏而獲

益總解脫以超輪廣此願心周乎法界作菩提之妙行

爲淨業之正因佛國俱空畢竟首登於極樂法身非有

不妨面奉於彌陀普與有情同成此道謹疏淳熙十四
年歲次丙午七月初七日大乘菩薩戒弟子承事郎直
祕閣新權通判臨安軍府事兼管內勸農事張鎡疏

景定壬戌中秋蜀閬州許文安捐金命工重刊永爲
不朽之傳住山息峯行海立石 御前應奉余棗刊

廣壽慧雲禪寺之記

石本對錄

紹熙元年春 月辛丑故循王之曾孫宣義郎直祕閣
前通判臨安軍府事張鎡請於朝曰願以城東北新宅
一區效前賢捨爲佛寺仍割田六十頃有奇贍其徒薰
修植福以伸歸美報上之志上曰可賜額廣壽慧雲禪

寺張君勳門佳裔自幼刻苦問學年未強仕澹然無意於榮途閒居遠聲色薄滋味終日矻矻攻爲詩文自處不異布衣臞儒人所難能茲又捐所重以創精藍尤難能者旣得請乃一意崇飾以侈上賜徹堂爲殿凡佛屋之未備者悉力經營土木堅好金碧煥發隱然叢林爲寓都壯觀見者起敬焉落成以書禱予爲記予每歎世人苟貴若富必思廣其居務極雄麗以貽厥後而夸無窮然歷世未幾生息繁衍宏敞化爲湫隘又從而分裂之蜂房蟻垤各開戶牖無復前日眈眈氣象矧或不競

求售他人一再過而爲墟者有之固不若釋吝驕齊物
我推己所有與衆共之爲長且久也異時寢處宴游之
地千載儼然子孫登覽企想風烈必有慷慨激昂思濟
其美者世人識慮及此已足爲達而張君之志則又過
之蓋自其先王受國隆恩河潤澤及迄茲涵浸一身眇
然圖報無所故爲是舉以紓厥忠匪直爲其私也若夫
鐘魚震動雲水鼎來演上乘而祝帝齡錫餘福以佑黎
庶茲念一興亘千萬禩不能磨滅如佛氏所謂願力者
張君之忠寧有旣耶予嘉其志故爲之書太師保寧軍

節度使致仕魏國公史浩撰中大夫權吏部尙書兼直
學士院兼實錄院脩撰兼侍讀樓鑰書并題額

先大父少卿捨宅一區以築梵宮割田畝有
奇以給僧飯獨力營創不假它緣蓋思忠報之不
已而植香火于無窮也時丞相畱公奏請賜額太
師越王史公作記攻媿大參樓公書丹及先大父
所著發願文雄碑對峙叢林逮今傳誦紹定厄於
劫火寺雖重建而記文皆不存蜀人許居士所藏
發願文舊刻卽先大父手筆慨然捐金礱石併寺
記重勒以成山中之闕典請跋於余追慕感歎非
惟敬承先志以詔後人且使緇流知安居暇食之
源而聞者亦足以戒云景定壬戌重陽後十日孫
承信郎閣門看班祇候張檉百拜謹書

玉冊官余棗摹刊

承旨鴻恩門香度源妙恭懋百拜書

王四官余與本行

取而置者衣以衣云景宗王知重恩於十日

計應承衣志以請翁人且與繼流成衣與則食

之 而大非輕重數而歸文者不奇區入內司士

而而王史公計山火數大冬對公書以衣示大

長以命會魂圖衣管隔不劫今繼蓋惡忠

夫大夫也陳飲定一區以榮飲

南湖集附錄中

十二月初七日辛亥寫竟計
一千八百四十六字性安記

南湖集附錄下 逸事

四朝聞見錄 一則

開禧閒慈明陰贊寧皇誅侂冑出御批三其一以授錢象祖衛涇史彌遠其一以授張鎡又其一以授李孝純二批俱未發獨象祖亟授殿巖夏震翌日震遂遣其帳下鄭發王斌邀韓車于六部橋徑出玉津園夾牆用鐵鞭中韓陰乃死鎡始預史議誅韓史以韓爲大臣且近戚未有以處張謂史曰殺之足矣史退而謂錢衛曰鎡真將種也心固忌之至是鎡齎伐自言史昌言于朝曰

臣子當爲之事何爲言功遂諷言者貶鉉于霄鉉後以
旨放還因史變 法又欲謀史故貶置象臺

節錄

齊東野語

二則

楊次山與皇后謀俾皇子榮王躡入奏言侂冑再啓兵
端謀危社稷上不荅皇后從勞力請再三欲從罷黜上
亦不荅后懼事泄於是令次山於朝行中擇能任事者
時史彌遠爲禮部侍郎資善堂翊善遂欣然承命錢參
政象祖禮部尙書衛涇著作郎王居安前右司郎官張
鉉皆預其謀議既定外間有藉藉言其事者彌遠大懼

然未有殺之之意遂謀之張鎡曰勢不兩立不如殺之彌遠撫儿曰君真將種也吾計決矣時開禧三年十一月二日侂胄愛姬三夫人號滿頭花者生辰張鎡素與之通家至是移庖侂胄府酣飲至五鼓初三日早朝侂胄車至六部橋中軍統制夏震以健卒百餘人擁其轎至玉津園夾牆內搥殺之

節錄

張鎡功甫號約齋循忠烈王諸孫能詩一時名士大夫莫不交遊其園池聲伎服玩之麗甲天下嘗于南湖園作駕霄亭于四古松閒以巨鐵絙懸之半空而羈之松

身當風月清夜與客梯登之飄搖雲表真有挾飛仙遡
紫清之意王簡卿侍郎嘗赴其牡丹會云衆賓既集坐
一虛堂寂無所有俄問左右云香已發未荅云已發命
捲簾則異香自內出郁然滿坐羣伎以酒肴絲竹次第
而至別有名姬十輩皆衣白凡首飾衣領皆牡丹首帶
照殿紅一伎執板奏歌侑觴歌罷樂作乃退復垂簾談
論自如良久香起捲簾如前別十姬易服與花而出大
抵簪白花則衣紫紫花則衣鵝黃黃花則衣紅如是十
盃衣與花凡十易所謳者皆前輩牡丹名詞酒竟歌者

樂者無慮百數十人列行送客燭光香霧歌吹雜作客
皆恍然如仙游也功甫于誅韓有力賞不滿意又欲以
故智去史事泄謫象臺而殂

誠齋詩話

一則

自隆興以來以詩名者林謙之范致能陸務觀尤延之
蕭東夫近時後進有張鎡功父趙蕃昌父劉翰武子黃
景說巖老徐似道淵子項安世平甫翬豐仲玉姜夔堯
章徐賀恭仲汪經仲權前五人皆有詩集傳世云云功
父云斷橋斜取路古寺未關門絕似晚唐人詠金林禽

花云梨花風骨杏花妝詠黃薔薇云已從槐借葉更染
菊爲裳寫物之工如此予歸自金陵功父送之末云何
時重來桂隱軒爲我醉倒春風前看人喚作詩中仙看
人喚作飲中仙此詩超然矣

節錄

癸辛雜識後集

一則

張約齋甫初建園宅傭工甚衆內有一人貌雖瘠而神
采不凡者張頗異之因訊其所以則云本象人以事至
京畱滯無以歸且無以得食故不免爲此張問其果欲
歸否荅曰雖欲歸柰無路途之費張曰然則所用幾何

遂如數賙之且去不復可知其如何也未幾張以罪謫
象州牢落殊甚一日忽有來訪者審視則其人也於是
爲張營居止且貸以資使爲生計張遂賴以濟後張沒
於象其人周其葬事畢亦莫知所在

浩然齋雅談

二則

放翁在朝日嘗與館閣諸人會飲于張功父南湖園酒
酣主人出小姬新桃者歌自製曲以侑尊以手中團扇
求詩于翁翁書一絕云寒食清明數日中西園春事又
匆匆梅花自避新桃李不爲高樓一笛風葢戲寓小姬

名于句中以爲一笑當路有恚之者遽指以爲有所譏
竟以此去

張良臣字武子近世詩人有雪窗集子時嘗從張功甫

至象臺

節錄

南湖集附錄下

十一月三十日甲辰寫竟計
一千三百六十三字性安記

書南湖集後

己亥仲冬

藻

客

京師從邵太史二雲得見

四庫全

書館哀集永樂大典中所載張鎡詩詞編定爲南湖集
十卷傳鈔副本攜歸虎坊寓齋麤校一過而未能詳攷
也鮑君以文增輯遺文逸事爲附錄外錄合刻竣工復
受而讀之始知公在當時以誅韓一事頗不滿於時論
而事蹟顯晦未備攷稽有不能釋然於心者公爲循王
之曾孫宋史載循王子五人子琦子厚子顏子正子仁
不知公爲何人之孫集中稱南園當塗待制閣學侍郎

叔祖者又不知何人也循王先封清河郡王城南清河坊以其賜第得名其居近市而隘公於南湖之濱得曹氏廢圃治宅移居園中峯石卽撤舊居小假山爲之詩有云遷巢城北倏兩期每還舊宅覺荒陋而自詠詩則又云賣屋因爲宅可想見其經營之不獲已也南湖之地廣百畝割東宅爲梵刹其西亭榭數十處備見桂隱百課標題至栽梅之地祇十畝不知梅品序何以有一棹徑穿花十里之語也玉照之梅桂隱之桂邀客宴賞對花獨吟集中屢見至於牡丹之會王簡卿嘗一赴之

如齊東野語所述可謂極聲伎之盛矣而集中擁繡堂
看天花詞云手種滿闌花瑞露一枝先坼挂箇杖兒來
看兩三人門客又何其清況若是公有小姬放翁會飲
則有贈詩書扇之新桃公集中於夢遊仙題下云小姬
病起幡然有入道之志正與自詠詩所謂紅裙遣去如
僧榻白髮梳來稱道冠之語合故史魏公慧雲寺記稱
其閒居遠聲色薄滋味矻矻詩文自處不異布衣臞儒
而明之吳本如作公祠記遂疑史語非實錄然公不云
乎光明藏中孰非遊戲能於有差別境中入無差別定

則淫房酒肆徧歷道場鼓樂音聲皆談般若後之論公者正當作如是觀耳公履仕之可攷者誓願疏則云承事郎直祕閣新權通判臨安軍府事兼管內勸農事史魏公記則稱之爲宣義郎孫檉跋語則稱爲先大父少卿齊東野語則稱之爲右司郎當韓侂胄之誅其時公官右司郎未嘗筦樞要握兵柄得以鋤姦去邪然公以勲舊之裔心存報國末由表見詩中往往寓之誅韓之舉公適預謀因而移庖酣飲使韓不疑此實公之平日忠誠藉以自矢未必有意希賞也而葉紹翁周公謹俱

謂其齎伐自言賞不滿意今觀公詩文多自寫其淡忘
榮利之見如所謂錢物用多常是解權門路便不曾鑽
已足略見其概藉使朝廷果賞其功不過加右司郎而
上之官亦無幾如公果有志於此則自三十五歲通判
臨安至此年已五十五矣計二十年之中稍事夤緣何
難早陟要途豈必待此以自效乎要之貶雪溪謫象臺
由於公殺之足矣一言而取忌於史彌遠史稱彌遠誅
韓之後獨相兩朝擅權用事專任愷王臺諫言其姦而
朝廷弗恤則公之被斥逐勢有必然然而畢辭榮寵當

享上壽道士已見夢於前貸資治生營居周葬傭工復
相遇於後公之沒於象也殆有數存觀公之自定其詩
在寧宗嘉定三年去謫象之年不遠公殆有先見矣公
於禪理有夙悟捨宅之後嘗以悟由呈天童密菴禪師
語詳寺僧行盛敝屣說中其語雖不見於他書要亦禪
門傳習之舊非無本也公有孫檉見史魏公寺記碑末
而公之子不知其名賞心樂事序所稱小菴主人疑卽
其子然賞心樂事作於嘉泰辛酉公年四十有九而景
白軒奉樂天像有詩云子遲髮白如先約足知公得子

甚遲至是時殆不過十餘齡耳公之謫象臺從行者有
張良臣之子時見浩然齋雅談而不言良臣父子於公
爲何人慧雲寺自紹熙元年賜額至紹定中厄於火相
距四十餘年寺經重建不知何人之力其時玉照桂隱
不言興廢如何公之孫樞所居安在碑末有住山息峯
行海題名而寺志竟不載此僧無事蹟可見皆由載籍
遺佚而公詩所存較方萬里所稱前集廿五卷三千餘
首者又僅三之一設得其全更足以資攷鏡矣公之捨
宅據公桂隱百課序係淳熙丁未之秋而誓願碑則云

淳熙十四年丙午攷丙午是十三年非十四年張榷謂
碑文係先大父手筆寺厄於火記文不存至景定壬戌
始取蜀人許居士所藏舊刻礲石意者燬而重刻事隔
三十年之久不無缺蝕臆補之誤歟公生於紹興三年
癸酉三月二日今公之像塵翳於頽垣廢廡之中社姥
田公鄰村簫鼓祈賽不絕而公則蒼苔闕冷春雨晝昏
野菊寒泉孰有過而薦之者枯禪二三桑麻自給宜亦
念公之遺德猶存也公諱鎡字功甫一字時可號約齋
先世秦川成紀人所著皇朝仕學軌範四十卷今見宋

槧偶傳人閒又嘗集古今山林閒適詩以林泉嘯詠爲
名其書無攷見公集中有詩公旣居杭日久則爲吾杭
之先哲公詩一出凡杭人之讀詩而思慕者宜何如而
鮑君之爲功於公也不待言矣藻近移家臨江鄉中每
自城西出郭道經南湖想公風采徘徊而不忍去故書
公之梗槩不覺其詞費如此

乾隆辛丑夏五仁和朱文藻識

單位	研究圖書館
來源	豐鎮縣水州張相
登記	71.10.6



